

左
通
補
釋

補釋十七

起襄公十六年盡廿一年

左通一

錢塘梁履繩學

襄公十六年羊舌肸爲傅解肸叔向也代士渥濁正義成十八年傳士渥濁爲大傅此代士渥濁亦當爲大傅也

外傳晉司馬侯稱羊舌肸習於春秋故悼公使叔向傅太子彪今平公卽位肸爲太傅以此

周氏附論

韓襄解無忌子

世本晉韓厥生無忌無忌生襄襄生子魚爲韓言氏通志氏族略

虞丘書

複姓左傳晉有虞丘書

廣韻丘字注

案通志氏族略三以虞

臣爲晉邑書固以邑爲氏者乃不引虞丘書爲證而云晉大夫虞丘子著書楚莊王相虞丘子薦孫叔敖自代者據此則不得謂晉大夫矣

會于淇梁解淇水出河內軹縣東南至溫入河

爾雅釋地云梁莫大於淇梁孫氏曰梁水橋也公羊傳疏淇水

出河南懷慶府濟源縣西北俗呼白澗水大事表

次于械林庚寅伐許次于苒氏解械林苒氏皆許地

此許卽葉也遷葉見成十五昭九年遷許于夷遷方城外于許杜

注許遷于葉因謂之許是也械林在今河南南陽府葉縣

東北苒氏亦在葉縣北大事表

戰于湛阪解襄城昆陽縣北有湛水東入汝

湛水之北山有長阪蓋卽湛水以名阪故有湛阪之名也
湛水又東南逕蒲城北京相璠曰昆陽縣北有蒲城蒲城
北有湛水者是也湛水又東於汝水九曲北東入汝杜預
亦以是水爲湛水矣周禮荊州其浸潁湛鄭玄云未聞蓋
偶有不照也水經汝水注楚湛水在今葉縣北三十里縣北二
十里有昆陽城春秋地名略九
晉師遂侵方城之外

方城楚之北境之外北境之北也

史記韓世家索隱案戰國西周策高誘注曰

方城楚塞也外北也

案昭十九年楚平王寘太子建於城父以通

北方費無極譖其將以方城之外叛可證餘詳僖四年

齊侯圍成

解成魯孟氏邑

桓六年公會紀侯于成穀梁作郕莊三十年次于成又襄

十五年齊侯圍成十六年齊復圍郕公穀二傳仍作成成

與郕一也

春秋地名
攷略二

詳見桓傳攷異

速遂塞海陘而還解海陘魯隘道

海陘蓋魯北境之隘道定十二年公斂處父曰墮成齊人

必至于北門是爲近齊之邑也山中斷曰陘此山當在齊

魯界上

周氏
附論

以寡君之未禘祀解禘祀三年喪畢之吉祭

時晉亦僭用禘祀之禮

義門讀
書記

襄十
七

飲馬于重丘解曹邑

寰宇記重丘在乘氏縣東北三十一里漢乘氏故城在今

山東曹州府曹縣東北五十里又襄二十五年同盟于重
丘杜注齊地在今東昌府城東南跨茌平縣界漢置重丘
縣杜氏明注兩國乃方輿紀要謂東昌府之重丘爲曹北
境之邊邑同盟于重丘卽衛所取者似誤大事表七之二
案疆理書十
一云重丘
有二是也案重丘古國名逸周書史記解曰績陽彊力
四征重丘遺之美女績陽路史國名
紀六作青陽國名紀謂卽曹之重
丘引此傳爲證是也

陶桃解弁縣東南有桃虛

昭七年解魯國卞縣東南有
桃虛古弁卞通晉志作卞

魯桃在山東兗州府泗水縣東南

春秋
輿圖

師自陽關逆臧孫解陽關在泰山鉅平縣東

文二年傳言臧文仲廢六關杜注謂塞關陽關之屬定七

年齊人歸鄆陽關先是爲齊所取也八年陽虎入謹陽關以叛九年伐陽關齊世家威王六年魯伐我入陽關蓋又爲齊所取矣今在寧陽縣東北

案縣屬兗州府春秋地名攷略二

臧疇臧賈解臧紇之昆弟也

許宣叔

生四子曰紇曰賈曰爲

見襄廿三

曰疇紇奔齊賈無後

春秋

分記世譜六

齊侯使夙沙衛唁之

昭二十五年公孫于齊次于陽州齊侯唁公于野井穀梁傳曰弔失國曰唁唁公不得入於魯是也此據失國言之若對弔死曰弔則弔生曰唁何人斯云不入唁我左傳曰齊人獲臧堅齊侯使夙沙衛唁之服虔云弔生曰唁以生

見獲故唁之也

詩載馳正義

華吳

督生二子曰家曰季老

家見文十六年疏季老成十五年疏作秀老

季老生鄭

鄭生喜喜生吳

春秋分記世譜七

合左師之後解合向戌邑

彭城古蹟志徐州沛縣有合鄉近志合鄉在嶧縣西北

沛案

縣屬江蘇徐州府嶧縣屬山東兗州府

晉滅偃陽以封向戌是就其初封益

之也二縣本接壤

大事表七之二

不如蓋之

師古曰蓋謂覆掩其事也

漢書五行志中之上注

澤門之皙解澤門宋東城南門也

埵澤之門疑卽襄十七年築者謳曰之澤門杜注宋東城南門是也或曰得毋以禹貢盟諸澤名其門乎案盟諸澤在故宋國微子所封之東北此自爲南門耳睢陽故城在今商丘縣南東門曰埵澤門括地志所謂宋東城南門

曰澤門是

四書釋地

皆有闔廬以辟燥溼寒暑解闔謂門戶閉塞

燥謂陽炎溼謂雨露

呂氏春秋重己篇注

隆冬凍寒則有大屋複突

溫室盛夏暑熱則有洞達陰堂其內寒涼也

楚辭招魂王逸注

宋國區區而有詛有祝

以言告神謂之祝請神加殃謂之詛左傳曰宋國區區而

有詛有祝詩曰侯詛侯祝

案詩蕩之什云侯作侯祝正義作卽古詛字

是詛祝

意小異耳

書無逸正義

案祝兼頌禱義故昭廿年傳曰祝有

益也詛亦有損此云有詛有祝正因謳者作毀譽之辭也書疏言小異於義尚儉

晏嬰

晏平仲嬰者萊之夷維人也

史記晏子傳

名嬰平諡仲字父桓

子名弱也

又索隱

晏子齊記云齊城三百里有夷安卽晏平

仲之邑漢爲夷安縣屬高密國應劭云故萊夷維邑

今山東萊

州府高密縣

是

又正義

食齋居倚廬寢苦枕草

解

此禮與士喪禮略同其異唯枕草

耳然枕凶亦非喪服正文

正義

喪服傳文及士喪禮記皆云

居倚廬寢苦枕凶歡粥朝一溢米夕一溢米云云鄭玄云倚

木爲廬在中門外東方北戶苦編橐也此初喪爲然其既虞
之後則每事有變具於禮文鄭玄云二十兩曰溢爲米一升
二十四分升之一知者古者一斛百二十斤一斗十二斤十
二斤百九十二兩一升十九兩二分少八分未充二十兩更
取一升分作百九十二分二十四分取一得八分盧文昭氏曰一升百九十二分得八箇二十四分每二十四分取其一是得八分也添前十九兩二分是爲二十
兩也

在中門外者哀親之在外寢苦者哀親之在草故也此云
裹三升枕塊據大夫已上若士則大夫適子爲士者得行
大夫禮若正士則枕草裹則纓三升半成布三升雜記所
云齊晏平仲爲其父羸衰斬枕草是也但平仲謙爲父服

士服耳

本鄭氏雜記注文詳見下儀禮喪服傳疏

一升十九兩二分少八分

案今算法分並當作錢但古法兩下唯有銖案無錢分之目當作一升十九兩四銖八綮少十九銖二綮宛陵湯濱吳云又取一得八分添前十九兩二分亦當作取一得十九銖二綮添前十九兩四銖八綮

浦鏐左氏傳注疏正字

曰唯卿爲大夫解晏子惡直己以斥時失禮故孫辭略荅家

老正義檀弓云云

案聖證論王肅云喪禮自天子以下無等故曾子云哭泣之哀齊斬之情饘粥之食自天子達且大國之卿與天子上士俱三命故曰一也晉士起大國上卿當天子之士也

案襄廿六年晉士起注云禮諸侯大夫入天子國稱士攷此時韓起尚未爲卿此誤也

平仲之言唯

卿爲大夫謂諸侯之卿當天子之大夫非謙辭也

案沈氏小疏云

王制曰諸侯之上大夫卿故晏子言唯卿乃得稱大夫而行大夫之禮耳王肅云謂諸侯之卿當天子之大夫周無是制也

春秋之時尊者尚輕簡喪服禮制遂壞羣卿專政晏

子惡之故服麤衰枕草於當時爲重是以平仲云唯卿爲大夫遜辭以辟害也又孟子云諸侯之禮三年之喪齊疏之服飭粥之食自天子達於庶人三代共之又此記云端喪喪車皆無等又家語云孔子曰平仲可謂能遠於害矣不以己之是駁人之非遜辭以辟咎也王肅謂大夫與士異者大夫以上在喪斂時弁經士冠素委貌馬昭荅王肅曰雜記云大夫爲其父母兄弟之未爲大夫者之喪服如士服是大夫與士喪服不同者而肅云無等則是背經說

也鄭與言禮張融評云士與大夫異者皆是亂世尚輕涼
非王者之達禮小功輕重不達於禮鄭言謙者不異於遠
害融意以王肅與鄭其義略同如融之說是周公制禮之
時則上下同當喪制無等至後世以來士與大夫有異故
記者載之鄭因而解之禮是鄭學今申鄭義云端衰喪車
無等者端正也正爲衰之制度上下無等其服精麤卿與
大夫有異也又曾子云齊斬之情據其情爲一等無妨服
有殊異耳若王肅之意大夫以上弁經士唯素冠此亦得
施於父母此經云爲昆弟豈亦弁經素冠之異乎此是肅
之不通也杜元凱注左傳說與王肅同服虔注左傳與端
衰喪車無等其老之問晏子之荅皆爲非禮並與鄭違今

所不用也

禮記雜記
上正義

案杜氏從王說然王義亦未盡合

沈彤駁之是矣禮書百四十八亦不取鄭義云此蓋周衰
禮變而服於是有等故大夫以尊而伸服斬衰枕由士以
卑而屈服疏衰枕草而已禮記或記先王或記末世其可
以末世之事而論先王之時哉鄭氏以此爲眞先王之禮
宜乎王肅之所攻也徐氏讀禮通考四案云父母之喪無
貴賤一也天子且上達大夫安得獨異雜記所云當是末
世之敝觀孔子論晏平仲可知鄭氏亦言大夫與士異者
未得備聞止疑麤衰縷在齊斬之間王肅致疑在喪斂時
弁經素委貌之異然則服或有精麤而喪期則末之有改
也而馬昭反斥王肅爲背經孔氏亦詆其不通何與且禮

記左傳皆孔氏作疏乃於記力詆王肅於傳則又是之可見義有所屈而張融之說洵不易之論也

襄十八

晉人執衛行人石買于長子執孫蒯于純畱解長子純

畱二縣今皆屬上黨郡釋文純畱徒溫反或如字地理志作屯

長子周初爲辛甲所封邑後歸晉今爲山西潞安府長子縣純畱本畱吁國宣十六年晉滅之爲邑謂之純畱亦曰

屯畱今潞安府屯畱縣東南十里有純畱城

大事表七之三

見梗陽之巫臯解梗陽晉邑在大原晉陽縣南

昭二十八年魏戊爲梗陽大夫史記趙惠文王十一年秦

取梗陽卽此

春秋地名攷略五

梗陽今山西太原府清源縣治

案

今省入榆次

春秋輿圖

曾臣彪將率諸侯以討焉其官臣偃實先後之解稱臣者明
上有天子以謙告神曾臣猶末臣官臣守官之臣

諸侯以臣爲官故荀偃自於晉侯稱官畿內諸侯臣亦稱
官此經是也荀偃對河神故稱其君名諸侯於外事皆稱
曾臣言先後者謂左右謂荀偃左右晉侯也

周禮春官
大宗伯疏

齊侯禦諸平陰塹防門而守之廣里解平陰城在濟北盧縣
東北其城南有防

案春秋分記疆理書三引釋例作平
陰城南北郡國志注引作在縣北

防有

門於門外作塹橫行廣一里

故平陰城在今山東泰安府平陰縣東北三十五里案塹
防門卽齊築長城之始戰國時七國皆有長城齊城卽託

始於此郡縣志故長城首起平陰縣北二十九里

大事表七之一

平陰有二襄十八年禦諸平陰齊地也昭二十三年晉師

在平陰王畿也

春秋分記疆理書十一

餘見駁證

魯人莒人皆請以車千乘自其鄉入

魯莒在齊東兵自東道入齊則腹背受敵此詭言以疑齊

人也

讀左山鈔七

齊侯登巫山解巫山在盧縣東北

今山東肥城縣西北有孝堂山卽齊侯望晉師處

日講春秋解

義四十一案肥城屬泰安府孝堂山相傳郭巨葬母于此

衛殺馬於隘以塞道

水經

濟水

注賓谿谷水出南格馬山北逕盧縣故城北山

卽風沙衛殺馬塞道處也在濟南府長清縣東南六十里

大事表

八上

晉州綽

州氏風俗通云晉有州綽州賓

見廿一年

其先食采于州因以

爲氏

州見隱十一年
通志氏族略三

兩矢夾脰解脰頸也

脰頸也齊人語

公羊莊十二年傳注

克京茲解在平陰城東南

京茲城在今平陰縣東南

春秋地名
攷略三

克解平陰西有邾山

邾山在平陰縣西

春秋
輿圖

邾有二襄十三年取邾是小國襄

十八年晉伐齊克邾是齊地

春秋分記疆理書十一

伐雍門之菽解雍門齊城門釋文菽音秋本又作秋

雍門齊西門也

淮南覽冥訓注又見戰國齊策一注

菽春秋左氏傳或借

此爲楸字七牛反

說文菽字繫傳

斬雍門之楸作菽同

楸字繫傳

案

漢書東方朔及貨殖傳注皆以爲菽卽楸樹字晏子春秋

云景公登箒室而望見人有斷雍門之櫟者蓋其處多美

材也又檢玉篇菽且畱切蒿也引此傳文爲證則水經

淄水

注引作菽者正與玉篇合未可謂譌汪繩祖云菽宜讀茲

消反卽楸字蓋地多產楸伐之以供軍食且示閒暇據文

九年經楚子使楸來聘穀梁作菽可證餘見攷異

孟莊子斬其櫟以爲公琴解櫟木名釋文櫟勑倫反又相倫

反

說文云杙木也夏書曰杙榦栝柏或从熏作標又云檣杙也左傳孟莊子斬其檣以爲公琴杜注云檣木名杙也琴

材

案古今韻會舉要引傳注云檣木名杙也琴材也此又引作杜注俟攷

徐鍇曰杙木似檣

同與

中車輶實不堪食杙又作椿蘇恭曰椿檣二樹形相

似但檣疏椿實爲別也蘇頌曰椿木實而葉香檣木疏而

氣臭檣最無用案杙標檣椿爲一木字異而音義並同其

材大抵中琴中車輶

禹貢錐指七

案說文檣字繫傳曰孟莊

子斬雍門之檣以爲公琴今字書或云卽桐也豈因爲琴

而遂疑其桐耶未可依據

范鞅門于揚門解齊西門

齊城西北有揚門

春秋地名
攷略三

案宋亦有揚門見昭廿一

年

將走郵棠解齊邑

郵棠或言卽萊之棠邑也

見六

今山東卽墨縣案縣屬萊州府南

八十里有甘棠社卽古棠鄉

春秋地名
攷略十四

扣馬

呂忱曰扣牽馬

史記趙世家
集解

東侵及濰南及沂解濰水在東莞東北至北海都昌縣入海
沂水出東莞蓋縣至下邳入泗

濰水出今山東沂州府莒州西北九十里之箕屋山卽濰
山也土人名爲淮河昭十二年中行穆子曰有酒如淮有

肉如坻劉炫曰淮當作濫是也東流歷諸城高密安丘濫

縣

案諸城安丘屬青州府高密縣屬萊州府

至昌邑之東北五十里入海

案

邑屬萊州府

昌邑縣卽古都昌境

大事表

案蔡傳引曾氏徐州

水以沂名者非一酈道元謂水出尼丘山西北徑魯之雩門亦謂之沂水水出太公武陽之冠石山亦謂之沂水讀之不覺失笑水經注泗水下有沂水果出尼丘山西北曾點所欲浴者沂出北對稷門稷門卽雩門對也非徑也沂水下有三沂水皆別之曰小一出東莞縣黃孤山西南流逕其縣北西南注於沂一沂水逕臨沂故城東有治水注之水果出太山南武陽縣之冠石山世俗謂此爲小沂水但蔡謫山爲公武陽上脫南字下脫縣字于欽作齊乘時

猶仍爲小沂水愚過費縣土人則呼浚河在其縣西北八
十里一沂水於下邳縣北西流分爲二水其逕城東屈從
縣南注於泗者謂之小沂水并前爲四沂水固莫有大於
出泰山蓋縣也者尚書古文
疏證六下沂水出今沂州府沂水縣西
北一百七十里雕崖山鄭康成云出沂山或云臨樂山酈
道元云出艾山禹貢錐指謂皆沂
山支阜之
異名也接蒙陰縣界南流至江南蘇淮安府宿遷縣案
今改屬
徐州府北匯爲駱馬湖又南入運河大事表
八上

使揚豚尹宜

楚有揚豚尹官名

日知錄四

案說苑奉使篇楚莊王欲伐晉

使豚尹觀焉因疑豚尹如周官豕人羊人之屬揚其氏宜
其名也昭十七年正義引世本穆王生王子揚揚生尹尹

生句傳稱陽句揚陽古通愚謂尹下並當有宜字固以父

字爲氏者

文十六年有子揚
憲疑憲卽子揚名

世本有脫文耳林堯叟以揚

豚爲邑名非

而忘先君之業矣

業伯業也

國語楚語上注

子庚帥師治兵於汾解襄城縣東北有汾丘城

戰國策楚北有汾陘之塞

楚策一

史記秦昭王四十三年攻

韓汾陘拔之蓋與新鄭陘山俱爲南北隘道

陘山詳見傳四

楚嘗

于此爲塞以禦北方故汾丘城今在河南許州襄城縣東

北

春秋地名攷略九

案逸周書度邑解王乃升汾之阜以望商

邑盧文弨氏曰左氏傳楚子庚治兵於汾卽此地也去朝

歌不遠故可望商邑案續漢書郡國志二襄城有汾丘是

次於魚陵解魚陵魚齒山也在南陽犇縣北鄭地

魚齒山在河南汝州東南五十里山下曰魚陵春秋別

詳駁證

右師城上棘遂涉潁次于旃然解將涉潁故於水邊權築小

城以爲進退之備旃然水出滎陽成臯縣東入汴

水經注潁水又逕上棘城西又屈逕其城南郡縣志陽翟

有上棘城今在河南禹州南

案州今屬開封府春秋地名攷略六

旃然水

卽索水在今開封府滎陽縣南三十五里北流入京水後

唐同光二年詔蔡州刺史米勅濬索水通漕宋人每濬京

索二水以爲金水河之源卽此水也

大事表

案鄭棻開

元傳信記云上封太山進次滎陽旃然河上見黑龍命弧矢射之矢發龍潛滅自爾旃然伏流于今百餘年矣案旃然卽濟水也溢而爲滎遂名旃然左傳云楚師次于旃然是也愚謂明皇射龍旃然伏流特當日獻媚之辭耳又檢水經濟水一注云濟水又東索水注之水出京縣西南嵩渚山與東關水同源分流卽古旃然水也鄭滎謂卽濟水誤胥靡獻于雍梁解皆鄭邑河南陽翟縣東北有雍氏城

昭二十六年王入于胥靡

又見定六

杜注本鄭邑今河南府偃

師縣東南四十里有胥靡城

大事表七之一

襄三十年伯有奔雍

梁卽此在今許州府禹州東北

案許州府今改州治禹州改屬開封府大事表七

之二

右回梅山

解在滎陽密縣西北

案今本作密縣東北顧氏補正云梅山若在密縣東北則

是滎陽西北矣左氏何以云右回梅山

侵鄭東北也故續漢書郡國志一引此注作在縣西北故改從之

今河南開封府鄭州西南三十里有梅山路史云梅伯爵

紂所滅河南密縣有梅山武王封伯立孫于黃梅在楚鄭

之間子孫以梅爲氏

大事表八上

涉於魚齒之下解魚齒山之下有澧水故言涉

澧水又東逕犇縣故城北出於魚齒山下春秋襄公十八

年楚伐鄭次於魚陵涉於魚齒之下所涉卽澧水也

水經澧水

注

吾驟歌北風又歌南風南風不競多死聲解歌者吹律以詠

八風南風音微故曰不競也正義服虔以爲卯酉以北律呂

爲北風以南爲南風與杜八風意違非杜義也服虔云南風律氣不至故聲多死

案左氏傳注云北風夾鍾無射以北南風沾洗南呂以南

南律氣不至故死聲多

此卽服氏注

吹律而言歌與風者出聲

曰歌以律是候氣之管氣則風也故言歌風

周禮春官張大師疏

獻翼曰古者太師執同律以聽軍聲蓋古人出師必吹律

律和則知士卒同心猶軍中風角鳥占周禮注太師吹律

合音商則戰勝軍強角則軍擾多變宮則軍和徵則將急

數怒軍士勞羽則兵弱少威明

讀左日鈔七

襄十盟于督揚解督揚卽祝柯也

今山東濟南府長清縣豐齊鎮北二里有故祝柯城

大事表七

之督揚有二成十六年我師次于督揚鄭地也襄十九年

盟于督揚齊地也

春秋分記疆理書十一

遂次于泗上解泗水名

此魯城北之泗也哀八年吳伐魯深入魯地舍于庚宗次於泗上今在曲阜縣東北八里自泗水縣流入境入滋陽

縣界

大事表八上

取邾田自漚水解漚水出東海合鄉縣西南經魯國至高平湖陸縣入泗

哀二年季孫斯伐邾取漚東田及沂西田卽此今嶧縣西

北有合鄉故城沛縣志卽論語所謂互鄉也湖陸卽湖陵

在今魚臺縣東

案嶧屬兗州府魚臺屬濟寧州

此晉時漚道也今滕縣屬

州南十五里有潞河源出縣東北百里之述山入漕河與

古稍異蓋上不復出合鄉下不復入泗水也

春秋地名
攷略二

及著雍病目出云云卒而視不可含宣子盥而撫之曰事吳
敢不如事主猶視欒懷子曰其爲未卒事於齊故也乎乃復
撫之曰主苟終所不嗣事于齊者有如河乃瞑受含釋文桓
譚以爲苟偃病而目出初死其目未合尸冷乃合非其有所
知也傳因其異而記之耳

晉苟偃伐齊不卒事而還痺疽生瘍於頭及著雍之地病
目出卒而視不可含范宣子浣而撫之曰事吳敢不如事
主猶視宣子睹其不瞑以爲恨其子吳也人情所恨莫不
恨子故言吳以撫之猶視者不得所恨也欒懷子曰其爲

未卒事於齊故也乎乃復撫之曰主苟死所不嗣事于齊者有如河乃瞑受哈伐齊不卒苟偃所恨也懷子得之故目瞑受哈宣子失之目張口噤口苟偃之病卒苦目出目出則口噤口噤則不可哈新死氣盛本病苦目出宣子撫之早故目不瞑口不閤少久氣衰懷子撫之故目瞑口受哈此自苟偃之病非死精神見恨於口口也凡人之死皆有所恨志士則恨義事未立學士則恨問多不及農夫則恨耕未畜穀商人則恨貨財未殖仕者則恨官位未極勇者則恨材未優天下各有所欲乎然而各有所恨必有目不瞑者爲有所恨夫天下之人死皆不瞑也且死者精魂消索不復聞人之言不能聞人之言是謂死也離形更自

爲鬼立於人旁雖人之言已與形絕安能復入身中瞑目
闔口乎能入身中以尸示恨則能不免與形相守案世人
論死謂其精神有若能更以精魂立形見面使尸若生人
者誤矣楚成王廢太子商臣欲立王子職商臣聞之以宮
甲圍王王請食熊蹯而死弗聽王縊而死諡之曰靈不瞑
曰成乃瞑夫爲靈不瞑爲成乃瞑成王有知之效也諡之
曰靈心恨故目不瞑更諡曰成心喜乃瞑精神聞人之議
見人變易其諡故喜目瞑本不病目人不撫慰目自翕張
非神而何曰此復荀偃類也雖不病目亦不空張成王於
時縊死氣尚盛新絕目尚開因諡曰靈少久氣衰目適欲
瞑連更曰成

文元年正義桓譚以爲自縊而死其目未合尸冷乃瞑非由諡之善惡也

目之視

瞑與諡之爲靈偶應也時人見其應成乃瞑則謂成王之
魂有所知則宜終不瞑也何則太子殺己大惡也加諡爲
靈小過也不爲大惡懷忿反爲小過有恨非有神之效見
示告人之驗也夫惡諡非靈則厲也紀於竹帛爲靈厲者
多矣其尸未斂之時未皆不瞑也豈世之死君不惡而獨
成王憎之哉何其爲靈者衆不瞑者寡也論衡死
僞篇晉人殺
欒盈安得有諡傳言懷子好施士多歸之豈其家臣爲之
諡而遂傳於史策耶日知
錄四汪瑜曰靈樞經寒熱病篇云
足太陽有通項入于腦者正屬目本名曰眼系頭瘍傷其
經絡目無所系而突出矣

如百穀之仰膏雨焉

楊泉物理論曰稻粱菽各二十種爲六十蔬果之實助穀

各二十凡爲百穀故詩曰播厥百穀

困學紀聞三

案古人於

百穀中以黍爲先稷次之物理論不數之者豈皆謂梁類耶孔繼汾助儀糾謬集曰羅願爾雅翼云粱者黍稷之聰名賈思勰齊民要術云古者粟爲黍稷梁秫之總稱二說最爲得之又案傳中以百穀爲喻者因賦黍苗之詩也故外傳趙衰使公子重耳賦黍苗曰卬君若黍苗之卬陰雨亦卽詩見意

夫銘天子令德諸侯言時計功大夫稱伐解天子銘德不銘功舉得時動有功則可銘也銘其功伐之勞

令猶令龜之令言以德布於銘也

邵氏左傳昔肅慎納貢銘之

楷矢所謂天子令德者也若黃帝有中几之法孔甲有盤
孟之誠殷湯有甘誓之勒龜鼎有不顯之銘武王踐阼咨
於太師作席几楹杖器械之銘十有八章周廟金人鍼口
以慎案鍼其廉反亦所以勸道人主勛於令德者也呂尚作周

太師封於齊其功銘於昆吾之冶獲寶鼎於美陽仲山甫
有補袞闕誠百辟之功周禮司勛凡有大功者銘之太常
所謂諸侯言時計功者也有宋大夫正考父三命滋益恭
而莫侮衛孔惺之祖莊叔隨難漢陽左右獻公衛國賴之
皆銘乎鼎晉魏顆獲杜回於輔氏銘功於景鍾所謂大夫
稱伐者也

蔡邕集
銘論

曰顏懿姬無子其姪駸聲姬解懿聲皆謚

服虔曰傳家從後言之故舉謚也

太平御覽皇親部十二

屬諸戎子解屬託之

服虔曰戎子子牙養母

太平御覽皇親部十二

列於諸侯矣解列諸侯之會

服虔曰數從諸侯征伐盟會

史記齊世家集解

是專黜諸侯解謂光已有諸侯之尊

服虔曰專獨也光比於諸侯列於會盟不可黜也

太平御覽皇親部十二

部十

而以難犯不祥也

服虔曰以難成之事犯不善

太平御覽皇親部十二

崔杼微逆光

服虔曰微隱匿也

太平御覽皇親部十二

案哀十六年傳其徒微之

是微爲隱匿也

惠氏補注三

疾病而立之

服虔曰疾困也而立爲太子

太平御覽皇親部十二

執公子可於句瀆之丘

襄二十一年復討公子牙之黨執公子買于句瀆之丘二

十八年賈在句瀆之丘召之反其邑哀六年囚王豹于句

賈之丘皆此也崔杼立光殺戎子此時牙當出走要亦未

能遠也或云句瀆之丘在臨淄城內則未必然宋有句瀆

之丘卽穀丘

見桓十二年

牙及諸人皆未出境必非此也

春秋地名攷略

三

衛奔高唐以叛解高唐在祝柯縣西北

襄二十五年祝佗父祭於高唐杜云高唐有齊別廟蓋齊之宗邑也穆孟姬爲陳無宇請之陳氏始大昭十年故城在

今山東濟南府禹城縣北四十里大事表七之一

王追賜之大路使以行禮也正義何休膏肓以天子車稱大路諸侯單稱路車大夫稱車今鄭子蟯諸侯之大夫耳當與天子士同賜其車而名之曰大路非正也孔子曰唯器與名不可以假人名不正則言不順於義左氏爲短云云

鄭箴膏肓云卿以上所乘車皆曰大路詩云彼路斯何君

子之車此大夫之車稱路也王制卿爲大夫詩采薇正義摯虞

以爲葬有祥車曠左則今之容車也既葬日中反虞逆神

而還春秋傳鄭大夫公孫蠆卒天子追賜大路使以行

案魯

叔孫豹以路葬且盡卿禮見昭四年

士喪禮葬有橐乘車以載生之服此皆

不唯載柩兼有吉駕之明文也

晉書禮志中

餘見桓二年駁

證

齊崔杼殺高厚於灑藍

解齊地

灑藍或曰在臨淄城外

案臨淄縣屬山東青州府春秋地名攷略三

子孔當罪

師古曰當謂處正其罪也

漢書陳湯傳注

以其甲及子革子良氏之甲守

大季氏士子孔公子志穆公子大季子良

杜氏世族譜

鄭穆公

之子有二子孔此大子孔謂之大季氏卽公子志之後也

通志氏
族略四

士子孔圭嬀之子也解圭嬀鄭穆公妾士子孔子良父

鄭公子嘉字子孔姬姓又有公子志謂之士子孔並穆公

之子

通志氏族略三

圭鄭穆妃圭嬀國後爲邾

路史國名紀四

案傳云

二子孔則知公子志亦字子孔其稱士子孔者疑爲士官

故稱士子孔以別之古圭邾通用文十二年傳服注以邾

邾爲邾邾寶圭隸續劉寬碑陰以下圭爲下邾是也

工倮會解齊大夫

工倮卽工倮遂人殲齊戍之後復俘于齊者也見莊十七襄三

十一年又有工倮灑

案廣韻引作工倮灑萬氏氏族略

盟于大隧解地闕

齊地或曰在今高唐州境

案州屬東昌府春秋地名攷略三

故穆叔會范宣子于柯

解

魏郡內黃縣東北有柯城

在今河南彰德府內黃縣境莊十三年公會齊侯盟于柯

乃齊阿邑在今山東兗州府陽穀縣東北五十里曰阿城

鎮本兩國地

案此柯屬衛地見釋例

高氏地名攷混爲一謂地相接

者非是

大事表七之二

乃城武城

解泰山南武城縣

案續漢書郡國志三引杜氏作南城哀十四年解亦作南城此

武字爲衍

泰山南城縣有澹臺子羽冢也

杜氏土地名條依孔氏刊本

此魯有兩

武城又見昭二十三年又晉楚俱有武城文八年秦人伐

晉取武城僖六年蔡穆侯將許僖公以見楚子於武城

大事

表六 別詳駁證

孔成子

服虔曰衛卿孔烝鉏

史記衛世家集解

詳文元年

襄盟于澶淵解在頓丘縣南今名繁汙此衛地

在今直隸大名府開州西北往時大河經流于此晉王存助於河之南北各築一城謂之夾河寨亦名德勝津宋眞

宗時謂之南城北城盟契丹于澶淵卽此

大事表九

冬十月丙辰朔日有食之

戊申歲

今歷推之是歲十月丙辰朔加時在晝交分十三日七千

六百分入食限

元史歷志二

褚師段解段共公子子石

褚師氏以官爲氏宋共公子子石爲褚師因氏焉又有褚

師子肥

哀八

衛有大夫褚師圃

昭廿氏族略四

通志

案鄭亦有褚

師杜云市官

昭二

則以官爲氏無疑廣韻褚字注宋恭公子

子石食采於褚其德可師號曰褚師因而命氏此說未免

傳會

襄廿一

邾庶其以漆閭丘來奔解二邑在高平南平陽縣東北

有漆鄉

案郡國志及晉志並作漆亭

西北有顯閭亭

邾漆在山東兗州府鄒縣北閭丘在縣南

春秋輿圖

子爲司寇

侯國司寇之事司空兼之其下當置小司寇今但曰司寇

且臧氏世卿必非小司寇大夫之職亦僭矣

春秋分記職官書一

軌度其信可明徵也解徵驗也正義謂使其臣信有軌則法度可明以爲徵驗也

謂上所行之軌迹自度有實可明驗諸人而無不慊也沈氏

小疏案度釋文音待洛反杜氏無解詳上下文義當依釋

文作揣度解如孔疏則度須讀如字又引劉炫云軌法也行依法度而言有信也更屬迂曲

訪於申叔豫

汎謀曰訪臣鎔曰謂廣問於人也故春秋左傳曰王使訪

申叔說文訪字繁傳案引傳文小誤

宣子使城著解著晉邑

著疑卽著雍也春秋地名攷略五

宣子殺箕遺

箕氏箕遺案遺蓋箕鄭之後

鄭見文七年

先食采于箕遂以邑

爲氏也

箕邑見僖卅三年

晉有兩箕遺別見昭二十二年

孔氏世族譜補

邴豫

晉大夫邴豫食邑于邴因以爲氏

通志氏族略三

羊舌虎叔羆

叔羆疑虎之母弟觀羊舌肸稱叔向虎稱叔虎鮒稱叔魚

可知乃唐書宰相世系表

年一

云虎字叔羆直以爲一人恐

傳無名字連書之例故杜氏謂兩人不得因虎羆而遂云

名字相配也或曰叔羆釋文作叔罷別是一人高士奇姓

名同異攷于羊舌氏下不列叔羆入之雜人中是也

周氏附論

案大事表羊舌氏下亦不列叔罷餘詳攷異

樂王鮒解晉大夫樂桓子

複姓左傳晉有樂王鮒

廣韻王字注

案宋有樂氏晉之樂氏

未詳所出疑昭傳之樂徵樂霄

廿二

哀傳之樂丁

二年皆其

後也襄廿三年稱王鮒昭元年稱樂桓子則爲樂氏可知

廣韻云複姓非

叔向弗應釋文應應對之應

應咎也

呂氏春秋願說篇注

詩曰惠我無疆子孫保之書曰聖有蕃勳明徵定保夫謀而鮮過惠訓不倦者叔向有焉解詩周頌也言文武有惠訓之德加於百姓故子孫保賴之逸書蕃謀也勳功也言聖哲有

謀功者當明信定安之謀鮮過有謬勳也惠訓不倦惠我無疆也

杜注甚明今肩征之文以勳爲訓古書每多異文一字抵牾似無可疑而吾則以爲此經必本作勳非祁奚所改作訓者直是僞撰肩征人之意耳蓋祁奚並引詩書縱使以訓爲勳亦必不以書爲詩惠訓二字原以解詩苟如今肩征則反當以解書矣明係僞撰者因作訓方與義和罪狀文義相合遂并左傳惠訓之訓字竊入之而不自覺其大露破綻也

尚書後序案此說本梅鷟

鯀殛而禹興解言不以父罪廢其子正義鄭玄注尚書以爲禹治水既畢乃流四凶云云

鄭答趙商云鯀非誅死鯀放居東裔至死不得反於朝禹
乃其子也以有聖功故堯興之若以爲殺人父用其子而
舜禹何以忍乎而尚書云鯀則殛死禹乃嗣興者箕子見
武王誅紂今與己言懼其意有慙德爲說父不肖則罪之
子賢則舉之以滿武王意也

禮記祭
法正義

伊尹放大甲而相之卒無怨色

左傳曰伊尹放大甲而相之卒無怨色是尹奉太甲歸後
作相之日方長今據其說伊尹於太甲初喪時卽放之而
自攝奉太甲歸後旋即復政若始終竟未嘗相太甲者太
甲去而我畱太甲來而我去何相避之深也唐孔氏曰殷
本紀云太甲崩子沃丁立沃丁序云沃丁旣葬伊尹于亳

則伊尹卒在沃丁之世湯爲諸侯已得伊尹此至沃丁始
卒伊尹壽年百有餘歲此告歸之時已應七十左右也案
孔疏伊尹以百餘歲之人七十左右未名爲老太甲後爲
賢君稱太宗享國綏長乃竟置伊尹於不問未嘗一日畱
相王室伊尹亦優游私邑安享終身忽然其君蓋萬萬無
是理也

尚書古文
疏證八

深山大澤實生龍蛇解言非常之地多生非常之物

火有光耀木有容貌龍蛇東方木含火精故美色貌麗膽
附於肝故生勇力火氣猛故多勇木剛彊故多力也生妖
怪者常由好色爲禍難者常發勇力爲毒害者皆在好色

論衡言
毒篇

辭於行人解王行人也

案周禮秋官之屬大行人掌大賓之禮及大客之儀以親諸侯小行人掌邦國賓客之禮籍以待四方之使者大客則擯小客則受其幣而聽其辭欒盈以罪出奔雖非使者然於是伸其辭尚有聽辭之遺意故知此年行人爲小行人

人明矣

春秋分記
職官書一

將歸死於尉氏解尉氏討姦之官正義周禮司寇之屬無尉氏之官蓋周室旣衰官名改易於時有此官耳

圉稱云尉氏鄭國之東鄙弊獄官名也鄭大夫尉氏之邑

故欒盈口盈將歸死於尉氏也

水經渠水注

案地理志陳畱

郡尉氏下應劭說與此同趙一清水經注釋引全氏曰欒

孺子所對周尉氏之官也鄭注以此證鄭尉氏之邑則誤矣秦蕙田五禮通考二百十六曰漢以廷尉主刑名蓋因於此使候出諸輶輶解候送迎賓客之官也輶輶關在緱氏縣東南

周禮夏官有候人各掌其方之道治與其禁令以設候人若有方治則帥而致于朝及歸送之于竟案鄭注卽引此傳周語

云敵國賓至候人爲導是諸侯亦有候人也

大事表

十輶輶山

今在河南府鞏縣西南七十里其坂有十二曲將去復還

此本元和郡縣圖志五史記高祖本紀索隱作九十二曲管子地圖篇云凡兵主者必先審知地圖輶輶之險注謂路形若輶而又輶曲蓋以此得名也故名關在山上
大事表九

九月庚戌朔日有食之 冬十月庚辰朔日有食之 己酉歲

以大衍考之九月朔入老象上爻沾黃道當食日食黃道翼九度太十月朔入老象五爻非食限日在黃道角四度弱

春秋分記歷書三

今歷推之是月庚戌朔加時在晝交分十四

日三千六百八十二分入食限

元史歷志二

襄二十一年秋九

月庚戌朔日有食之冬十月庚辰朔日有食之又二十四年七月八月兩書日食歷家如姜炭一行皆言無比月頻食之理授時亦言二十一年己酉中積六十六萬九千一百二十七日五十五刻步至九月定朔四十六日六十五刻庚戌日申時合朔交泛一十四日三十六刻入食限是也步至十月庚辰朔交泛一十六日六十七刻已過交限故姜炭一行之說爲是西歷則言日食之後越五月越六

月皆能再食是一年兩食者有之比月而食者更無是也

襄二十一年己酉九月朔交周○宮○九度五一二八入

食限十月朔一宮一十度三一四二不入食限矣

黃宗義南番文

約連月日食非變也蓋史異文或曰九月庚戌或曰十月

庚辰而夫子兩存之以闕疑如甲戌己丑陳侯鮑卒之例

桓五 榕 村集三

案安溪之說最長尚書古文疏證

六則以爲

錯簡意襄公二十一年二十四年之前後

案廿四年亦比月而食詳見後

必有某公某年爲冬十月庚辰朔日有食之者又有爲八

月癸巳朔日有食之者脫簡于彼而錯簡于此事固有之

理或一解又引蔡仲全之言曰想因當日史官算失一閏

誤以二十一年之九月作十月朔日食已書之史矣他日

又誤以二十四年七月作八月朔日食已書之史矣既而見其失閏不合也乃于兩年各補足一閏書爲二十一年九月朔日食二十四年七月朔日食兩策俱存而後之修史者并錄之也說並可取因附識之

會於商任解地闕

衛地或曰在河南彰德府安陽縣地

春秋地名攷略七

釋例土地

名云未聞古屬何國高氏何所據而屬衛愚案下年晏平仲謂齊侯曰商任之會受命於晉疑是晉地或卽晉之任

也

任見卅年周氏附論

莊公爲勇奮解設爵位以命勇士

莊公以勇奮名官覲武甚矣其後伐衛之役

廿三年

廢舊臣

任武力

春秋分記
征伐書一

案廿三年傳先驅至大殿卽勇齋也

姚氏補注以爲如漢武功齋

臣食其肉而寢處其皮矣

鄭康成曰古者殺牲食其肉坐其皮

見禮記坊記注
惠氏補注三

補釋十七

補釋十八

起襄公廿二年盡廿五年

左通一

錢塘梁履繩學

襄廿

焉用聖人

解

武仲多知時人謂之聖

正義

時人見其多

知故以聖人言之非謂武仲實是大聖人也

云云

何休云說左氏傳者曰春秋之志非聖人孰能脩之言夫

子聖人乃能脩之御叔謂臧武仲爲聖人是非獨孔子玄

箴之曰武仲者述聖人之道魯人稱之曰聖今使如晉過

御叔御叔不說學見武仲而雨行傲之云焉用聖人爲左

氏傳載之者非御叔不說學不謂武仲聖與孔子同

周禮大司

徒疏

案家語顏回篇回曰武仲世稱聖人卽本此文聖者

智識開通非至聖之謂鄭箴膏肓以爲武仲述聖人之道

未然也陸稼書先生三魚堂牘言三云此聖字與周禮知
仁聖義忠和尚書惟狂克念作聖睿作聖詩人之齊聖皇
父孔聖諸聖字一例看最是履繩謂鄉飲酒義云俎豆有
數曰聖又抱朴子辨問篇云善園基之無比者則謂之基
聖故嚴子卿馬綏明于今有基聖之名焉善史書之絕時
者則謂之書聖故衛協張墨于今有書聖之名焉善刻削
之尤巧者則謂之木聖故張衡馬忠于今有木聖之名焉
足知聖爲通譽可旁證也

我將飲酒而已雨行

錢塘張彝曰我將飲酒句而已雨行已謂武仲也石經作
已可證俗誤爲以音上屬爲句非

鄭人使少正公孫僑對解少正鄭卿官也

少正之職蓋亞於執政古正與政通昭十五年傳以爲大

政漢書五行志作大正執政卽所謂大正也魯有少正卯

通志氏族略云以官爲氏知魯亦有是官

周氏附論

而以爲口實解口實但有其言而已

口實毀弄也

國語楚語下注

案尚書後辨以爲僞仲虺之誥龔

此傳及國語文

執事實重圖之

高誘曰重深

見呂覽悔過篇注
惠氏補注四

立段解段子石黑肱子

印段子石獻子

杜氏世族譜

鄭大夫印段出自穆公子印以王

父字爲氏

廣韻甲字注

餘詳成十三年

貴而能貧

能猶耐也

惠氏補注四

楚觀起

觀姓起名

史記楚系家索隱

楚釐子觀起羊姓釐卽僖字

通志氏族略五

未益祿而有馬數十乘

荀子曰大功已立士大夫益爵官人益秩庶人益祿

見彊國篇

未益祿而有馬士庶同于卿

惠氏補注四

三日弃疾請尸

周禮掌戮曰凡殺人者肆之三日

惠氏補注四

其徒曰行乎曰吾與殺吾父行將焉入曰然則臣王乎曰弃

父事讎吾弗忍也遂縊而死

注云弃疾自謂不告父爲與殺謂王爲讎皆非禮

魏書寶璣傳

案此疑賈服注

程氏曰使子南無罪弃疾當告於其父而逃之如

其有罪而君殺之不可曰弃父事讎也舜殛鯀而禹臣之

古有是事

趙氏補注六

屈建解子木也

建屈到之子子木也

到見十五年國語楚語上注

所謂生死而肉骨也解已死復生白骨更肉

是使白骨生肉德至厚也

國語吳語注

鄭游販解公孫董子

游販子明昭子

杜氏世族譜

而立大叔

世叔卽子大叔鄭大夫游吉也

論語憲問疏

大叔游吉公孫蠆

子杜氏世族譜

案世與大古多通用如衛大叔儀爲世叔齊

襄廿九年公羊

宋樂大心爲樂世心

昭廿五年公羊

昭卅二年經衛世叔

申爲大叔申之類

穀梁

三

春王二月癸酉朔日有食之

辛亥歲

今歷推之是月癸酉朔加時在晝交分二十六日五千七

百三分入食限

元史歷志二

平公不徹樂非禮也

平公好音故師涓奏濮水之聲子野彈清角之操愔堙心耳秦醫之所爲戒也卿佐虧而設樂尚從屠蒯之言今居

舅喪而不徹固平公之涼德亦由時無諍臣也

周氏附論

禮爲鄰國闕解禮諸侯絕期故以鄰國責之

如晉侯以我喪故未之見也之類言禮尚有爲鄰國闕者

而況母之憂戚乎

讀左日鈔七

獻子私焉

魏舒莊子之子獻子

杜氏世族譜

世本世族譜俱謂莊子生獻

子世家則云莊子生嬴嬴生獻子不知司馬遷何所本增

嬴一世世系從之疑

春秋分記世譜六

苟焚丹書我殺督戎

鄭司農云恥爲奴欲焚其籍也

周禮秋官司厲注

申鮮虞

鮮虞氏以名爲氏楚申鮮虞之後也本齊人

通志氏族略四

案

廿五年稱鮮虞則申其氏也廣韻申字注複姓誤

肱解右翼曰肱

春秋左傳說齊師列敝之法有肱卽取人兩腋之義又肱

子有肱篋於腋下也

說文肱字繫傳

取朝歌解今屬汲郡

衛都朝歌在河南衛輝府淇縣東北後屬晉

春秋輿圖

爲二隊入孟門上太行解二隊分兵爲二部孟門晉隘道大

行山在河內郡北

孟門在今河南衛輝府輝縣

大事表上

孟門晉隘道司馬貞

謂在朝歌東北

見齊系家索隱

今以大行之全勢論之述征記元

和郡縣志皆曰太行首始河內北至幽州連互十三州之界凡有八陁第一軹關陁第二太行陁第三白陁此三陁在河內第四滏口陁對鄴第五井陘第六飛狐陁第七蒲陰陁此三陁在中山第八軍都陁在幽州合以今日之地軹關陁在濟源縣太行陁在懷慶府城北亦名羊腸阪曹孟德詩云北上太行山艱哉何巍巍羊腸阪詰屈車輪爲之摧苦寒行卽此也白陁在輝縣界連淇縣卽古朝歌也齊之入孟門蓋入白陁也吳起謂殷紂之國左孟門右太行見史記吳起傳蓋以紂都朝歌太行如屏擁其西北二陁分列左右可恃以爲固也當時齊輕兵深入旣取朝歌則分兵爲二部一入白陁由朝歌而扼其險隘一登太行自河內以

瞰其腹心

春秋地名
攻略五

張武軍於熒庭解熒庭晉地

熒庭卽陘庭也蓋已直逼晉之國都矣

春秋地名
攻略五

詳桓

二年

戊郛邵封少水

解取晉邑而守之封晉尸於少水以爲京觀

郛邵卽郛也

見文
六年今河南懷慶府濟源縣西一百里有郛

亭與山西絳州垣曲縣接界蓋逼近晉都之地

大事表此
七之三

二語又言退兵之整暇郛邵在太行之南界接鄭衛戍之

以防追襲少水卽澮水

見成
六年

逼近晉都則爲京觀以侈武

略也

春秋地名
攻略五

趙勝帥東陽之師以追之解趙勝趙旃之子東陽晉之山東

魏郡廣平以北正義昭二十二年傳曰荀吳略東陽遂襲鼓
滅之鼓在鉅鹿居山之東山東曰朝陽知東陽是寬大之語
總謂晉之山東故爲魏郡廣平以北

邯鄲勝晉大夫趙旃之子頃子勝也食采邯鄲

國語魯王
語下注

氏曰自漢以前東陽大抵爲晉太行山東地非有城邑也
楚漢之間始置東陽郡漢置東陽縣今山東東昌府恩縣
西北六十里有東陽城猶南陽爲河內之總名而別有南

陽城則在修武也

見信廿五年
大事表七之三

獲晏釐解齊大夫釋文釐力之反徐音來

嬰生二子曰釐曰圉

哀六春秋
分記世譜六

晏釐亦曰晏萊

見魯語
下高

氏左傳姓名
同異攷三

案釐萊古音同如爾雅釐蔓華說文引作

萊鄭氏大射儀注云狸之言不來也

本史記封禪書漢書郊祀志

陸氏

毛詩音義上云來古協思韻多音黎周頌貽我來牟漢書

劉向傳作飴我釐麴皆是

次于雍榆解晉地汲郡朝歌縣東有雍城

郡邑志黎陽縣有雍城卽古雍榆也故城在今河南衛輝

府濬縣西南十八里

大事表七之三

案魯語下作離俞宋本作

雍淪

季氏以公鉏爲馬正解家司馬

卿大夫之采地王不特置司馬各自使其家臣爲司馬主

其地之軍賦

周禮夏官序官家司馬注

禍福無門惟人所召

釋僧順答道士假稱張融三破論門者本也明理之所出

入出入從本而興焉釋氏有不二法門老子有衆妙之門

書云禍福無門皆是會通之林藪機妙之淵宅

釋僧祐弘明集八

無門言同一門出入也荀卿子

大略篇

曰禍與福鄰莫知其

門

惠氏補注四

案文子微明篇云禍之至也人自生之福之

來也人自成之禍與福同門淮南人間訓亦載此數語又覽冥訓云禍福之門不可求而得也蓋古有是言而閔子

馬引之也

敬共朝夕恪居官次

解次舍也

謂恆常恭敬居於官之次舍不解怠於其職位也

詩烝民正義

又出爲公左宰

魯有左宰當復有右宰衛有右宰隱四年傳右宰醜襄當十四年傳右宰穀

復有左宰然不知其所掌何職也大事表十

臧孫入哭甚哀多涕出其御曰云云

武仲知禍將及己有所感而傷之也其御不解而問故據

理以荅之此其所以爲多智也林氏句解

藥石也美疾不如惡石夫石猶生我正義治病藥分用石本

草所云鯁乳礬磁石之類多矣

汪瑜曰言金石之藥最烈用之得宜尚可生人疾疾何以

云美蓋是近女之蠱疾宴安酖毒故云其毒滋多也

臧紇斬鹿門之關以出奔邾解魯南城東門正義邾在魯之

東南奔邾出此門以爲便

東之左曰始明門右曰鹿門

春秋地名
攷略二

案大事表

七之

云始明門亦曰上東門魯東城之北門也

定八年
傳注

說文淨

字繫傳據公羊傳曰自鹿門至爭門臧孫奔齊自鹿門爭門則淨門皆北門也今檢閱二年何休注鹿門南城之東門杜氏卽本之詳文義自某門至某門其非皆北門可見且臧孫自邾奔齊所引亦略誤又齊有鹿門見昭十年臧宣叔娶于鑄解鑄國濟北蛇丘縣所治

鑄陶唐氏後侯爵祝也

路史國
名紀四

張氏雲璈曰今山東

泰安府泰安縣西南七十里有鑄鄉城水經注云汶水又

西蛇水注之蛇水出泰山西南流逕汶陽田又西南逕鑄

城西左傳所謂蛇淵園也

定十
三

京相璠曰蛇丘城下有水

魯圖也俗謂之濁須水矣樂記封黃帝之後於蓊封帝堯
之後於祝呂氏慎大覽作封黃帝之後於鑄封帝堯之後
於黎史記周本紀又作黃帝之後於祝帝堯之後於蓊孔
仲達云當以禮記爲正樂記樂記鄭氏注祝或爲鑄蓋古
祝鑄同音故高誘注呂覽云鑄讀作祝注淮南俶眞訓云
鑄讀如唾祝之祝可證續漢書郡國志引樂記祝作鑄而
陸氏音祝爲之六反疑非也

及爲

臧定伯爲

杜氏世族譜

臧賈臧爲出在鑄解還舅氏也

臣召南案十七年傳高厚圉臧紇于防邾叔紇臧疇臧賈

帥甲三百宵犯齊師送之而復是賈於紇爲卿之後亦嘗

還魯矣紇奔邾時賈又在鑄耳

左傳考證

且致大蔡焉

解

大龜

詳文

大蔡龜名也一云龜出蔡地因以

爲名

正義

漢書食貨志云元龜爲蔡云云蔡是龜之名耳鄭

玄云出蔡地因以爲名焉非也

家不寶龜者大夫卑輕不得寶龜故臧文仲居蔡爲僭也

禮記禮器正義

蘄春江中有蔡山在廣濟縣大龜納錫故曰蔡非

姬姓蔡

路史國名紀一

案卿大夫不得寶龜故武仲致於君龜

以地名義或有之如寶龜僂句得不謂其所出之地乎若

衛之昭兆始是卜龜之名矣禹貢正義云蔡山不知所在

胡氏錐指因蒙山在蜀遂以峨眉山當之履繩謂蔡蒙之

蔡非產龜之蔡九江納錫乃荊州之貢蔡蒙屬於梁州兩
地懸絕不可混涉後人有疑爲蔡蒙之蔡山謬甚攷舊唐
書伊慎傳破蔡山柵取蘄州正與路史合蘄州今湖北黃
州府之蘄水縣也應城程大中作四書逸箋據寰宇記云
蔡山出大龜書九江納錫大龜卽此山之龜也程爲湖北
人說必不誣論語注以爲蔡國君之守龜出蔡地因以爲
名其名大蔡者蓋滿尺二寸

本禹貢注及漢書食貨志

淮南說山訓曰

大蔡神龜出於溝壑高誘注大蔡元龜所出地名因名爲
大蔡是也

季孫召外史正義周禮外史掌書外令掌四方之志今季孫
召外史蓋魯亦立此官也

此疏言魯亦有外史之官而序文疏則云史官身居在外
季孫從內召之故曰外史又以南史外史皆非官名今據
尚書諸侯得有內史則亦有外史也

案內史見酒誥
大事表十

孟椒曰孫孟椒孟獻子之孫子服惠伯

惠伯仲孫它之子子服椒也

國語魯語下注

案魯語上注云仲

孫它魯孟獻子之子子服它也它字子服故其子以父字
爲氏餘詳見昭三年駁證

盍以其犯門斬關

周禮司盟曰盟萬民之犯命者

秋官

故孟椒欲用之當其罪

惠氏補注四

門于且子解且于莒邑

且于在今山東沂州府莒州境

大事表七之二

期于壽舒解壽舒莒地

壽舒亦在莒州

大事表七之二

先遇莒子於蒲侯氏解蒲侯氏近莒之邑

昭公十四年有莒大夫茲夫號蒲餘侯疑蒲餘侯卽蒲侯

也是以食邑爲稱莒之君號亦然

周氏附論

華周解卽華還

蓋周名還其字取周還之義

周氏附論

獲杞梁解杞梁卽杞殖

杞梁字殖名也

文選王子淵洞簫賦注下云殖之有罪知其名

案

多則多矣

戰功曰多周禮司勳文言伐晉之戰功不爲少矣林氏句解

襄廿四 死而不朽

言身死而名不朽滅國語晉語八注

在商爲豕韋氏解豕韋國名東郡白馬縣東南有韋城

今河南衛輝府滑縣東南有韋城鎮大事表五

在周爲唐杜氏解唐杜二國名殷末豕韋國於唐周成王滅唐遷之於杜爲杜伯杜伯之子隰叔奔晉四世及士會食邑於范復爲范氏杜今京兆杜縣

成王八年冬十月王師滅唐遷其民于杜竹書紀年今陝西西

安府東南有杜陵故城日講春秋解義四十三

此之謂世祿

世祿世食官邑

國語晉語八注

其言立解立謂不廢絕

高誘呂覽

通威篇

注曰立猶見也

惠氏補注四

言其立言可法者

謂若教行父之事君告糴於齊之屬

國語晉語八注

恕思以明德

周書程典曰愼德必躬恕恕以明德

惠氏補注四

而謂子浚我以生乎解浚取也言取我財以自生

浚取之深也易曰浚恆王弼注以爲求深窮底莊九年浚

洙公羊傳曰浚之者何深之也

陸氏補注二

象有齒以焚其身解焚斃也釋文服云焚讀曰債債僵也正

義焚是燒也象不燒死故訓爲斃

陸云安知象無焚死者然象之焚死者實鮮蓋焚猶靡滅

之云耳

傳氏辯誤下

案集韻債或作焚蓋本服義爾雅釋天

云焚輪謂之頽暴風焉能燒輪故焚本作焚愚謂傳曰鄭伯之車債于濟晉中軍風于澤亡大旆之左旃風曰焚輪豈取此乎餘見古音

秋七月甲子朔日有食之既

正義

漢書律歷志載劉歆三統

之術以爲五月二十三分月之二十

云云

壬子歲

以太衍考之七月入少象初爻食限日食黃道井二十一

度半強

春秋分記歷書三

今歷推之是月甲子朔加時在晝日食

九分六秒

元史歷志二

襄二十四年壬子七月朔交周○宮○

三度一九三五入限

南雷文約四

孔氏正義據三統歷以爲前

月日食既而後月又食於推步之術必無是理蓋古書磨滅致有錯誤其說當矣而二事孰誤則未之決案極西湯若望古今交食考云魯春秋用周正七月乃夏正建寅之五月也今以法考之是月甲子日未正二刻定朔申初初刻○八分食甚實交周○宮○三度二十二分二十秒實距度一十七分三十二秒因在黃道北減氣差一十六分一十二秒得視距一分二十秒應見全食且本月徑大於日徑掩太陽邊周有奇經稱食既正與法密合由是觀之其誤在八月朔之食也

沈氏小疏

侵介根解介根莒邑今城陽黔陬縣東北計基城是也

莒介根在山東萊州府高密縣東南四十里莒始封都此

後入齊

春秋
輿圖

餘見隱二年

八月癸巳朔日有食之

八月老象五爻非食限日在黃道星二度弱

春秋分記
漢歷書三

志董仲舒以爲比食又旣大衍云不應頻食在誤條今歷

推之立分不叶不應食大衍說是

元史歷
志二

八月朔交周一

宮三度五九四九不入食限

南雷文
約四

會于夷儀

邢國在直隸順德府邢臺縣西南後入晉晉夷儀在縣西
百四十里通典龍岡縣百五十里夷儀嶺邢國所遷有夷
儀城案龍岡卽今縣治邢本以畏狄而遷若祇在故都相
近數十里與不遷何異當以聊城爲是疑夷儀本邢故邑

名後遷於新邑而仍以故地名之衛滅邶地入於衛其故國之夷儀則入於晉自是兩地定九年齊侯衛侯次于五氏傳言伐晉夷儀又晉師千乘在中牟杜注謂救夷儀也此夷儀自當在邶臺若在聊城則與中牟五氏俱遠不相

涉

春秋與圖

餘見閔二年

次于棘澤

棘澤在今河南新鄭縣東南

閔封府屬春秋解義四十三

晉侯使張骼輔蹠

周宣王時有卿士張仲其後裔事晉爲大夫張侯生老侯

張侯

鄭齊張見成二

老生趨

昭三

趨生骼

唐書宰相世系表二下

輔氏晉邑

以邑爲氏姬姓晉之公族也本荀氏又食邑於智故又爲

智氏智果以智伯剛愎必亡其宗別爲輔氏又晉大夫有

輔躒

通志氏族略三

案通志氏族略三云張氏世仕晉晉分爲

三又世仕韓此卽晉之公族案晉有解張字張侯則因字

以命氏無疑趙有張談韓有張開地

戰國趙策作張孟談張開地見史記留侯

家皆張侯之裔也唐表未可盡據且張君臣爲張老子襄

八亦失載程氏世譜以趙爲君臣子表云趙生轅亦誤輔

氏爲晉地見宣十五年傳此輔躒或食邑于輔氏遂稱輔

躒必是雜人若與荀氏同族昭九年有荀躒不應同名若

謂古人無所拘忌未妨並時者以本族同名

輔躒又見昭五年如

魯仲嬰齊公孫嬰齊鄭公孫段印段之屬

詳廿一年釋文

則通志

據國策智果爲輔氏之說不誣矣愚因疑輔躒卽荀躒昭

五年釋文輔櫟本又作蹀九年釋文荀蹀本又作櫟蓋未立爲卿則稱輔蹀既佐下軍以後祇稱荀蹀是又余之臆說也

鄭人卜宛射犬解射犬鄭公孫

淇水逕長社縣城西北又東南逕宛亭西鄭大夫宛射犬

之故邑也

水經淇水注案長社卽今河南許州本一統志

部婁無松柏解部婁小阜

說文引作附婁云小土山也應劭風俗通曰部者阜之類

也今齊魯之間田中少高印名之爲部矣

山澤卷

周伯琦六

書正譌

二十省

餽从自仅聲俗用培樓非

惠氏補注四

今則怯也

何胤云憚所行爲怯

禮記曲禮一釋文

與師祁犁解楚大夫

複姓春秋釋例楚有師祁犁

廣韻師字注案今釋例本闕

案師祁犁

疑師叔之後

師叔潘旼字見宣十二年

以字爲氏祁犁是其名如昭廿

二年宋樂祁亦稱樂祁犁

昭廿七定六

而通志氏族略五云師

祁氏以官名爲氏左傳楚有師祁黎漢有郎中師祁番據此則師爲樂官番乃其後遂以師祁爲氏不得謂師祁犁卽複氏也

鍼宜咎

解

陳鍼子八世孫

隱八年陳鍼子蓋其字子孫以字爲氏宜咎奔楚爲箴尹

昭四

通志氏族略四遂謂宜咎以官爲氏蓋因鍼箴音同通

用而誤耳愚以爲鍼子鍼宜咎當讀其廉反箴尹讀之林

反爲正

周氏附論

齊人城郊

解

郊王城也於是穀洛闢毀王宮齊拔晉欲求媚

於天子故爲王城之

正義

周語云靈王二十二年穀洛闢毀

王宮云云

穀洛二水名也闢者雨水格有似於闢也洛在王城之南

穀在王城之北東入于瀍至靈王時穀水盛出於王城之

西而南流合于洛水毀王城西南將及王宮故齊人城郊

也

國語周語下注

穀水在今河南府洛陽縣王城北門外

大事表八上

郊詳桓七年洛見昭元年

歸以語然明然明醜蔑

然氏別祖子然

成

生丹

襄十

丹生釀明

春秋分記

案昭

廿八年稱釀明意丹雖奔楚蔑尚留鄭平杜諸則列然明

於雜人內

襄廿五

孟公綽

解魯大夫

孟氏族有孟公綽

高氏左傳姓名同異攷一

齊棠公之妻解棠公齊棠邑大夫

孟子勸齊王發棠卽此亦爲堂

春秋地名攷略三

魯齊楚萊俱有

棠邑隱五年公觀魚于棠魯濟上之邑在今兗州府魚臺

縣東北十二里

案縣今改屬濟寧州

襄二十五年齊棠公今爲東昌

府之堂邑縣襄十四年楚子囊師于棠以伐吳今爲江南

江寧府之六合縣襄六年萊共公奔棠杜注萊邑今萊州

府卽墨縣南八十里有甘棠社

大事表六下

案據大事表則

棠邑有四春秋地名攷略亦以齊棠與萊棠爲兩地閻氏四書釋地云齊靈公十五年滅萊邑故棠爲齊有是齊別無棠邑也

侍人賈舉解重言侍人者別下賈舉

史記漢高帝時有兩韓信則別之曰韓王信漢書王莽時有兩劉歆則別之曰國師劉歆此其法本於左氏傳齊崔杼弑其君光事中有兩賈舉則別之曰侍人賈舉

日知錄二十

公孫敖

公子公孫敖

孔氏世族譜補

案魯有公孫敖見僖十五年

申蒯侍漁者解侍漁監取魚之官

周禮獻人掌以時獻爲梁凡獻者掌其政令此侍漁當周禮之獻人也

考

案齊擅魚鹽之利侍漁之官蓋監收

魚稅者初學記人部引劉向新序云申蒯漁於海是也

太平御覽人事部七十九同今新序無此友

言見廣傳

崔氏殺礪蔑于平陰

雜人礪蔑案鄭亦有礪蔑見昭二十八年

孔氏世族譜補

案莊

公母礪聲姬

十九年

此礪蔑必是母黨故使之守平陰崔杼

慮其據險作亂誘而殺之以弭後患

臣君者豈爲其口實社稷是養

解言

君不徒居民上臣不徒

求祿皆爲社稷

義如易自求口實之文言臣當以培養社稷爲重不徒求

祿自養也或以豈爲其口絕句實字屬下讀亦通

周氏附論

若爲己死而爲己亡非其私暱誰敢任之解私暱所親愛也非所親愛無爲當其禍

服虔曰言君自以己之私欲取死亡之禍則私近之臣所

當任也

史記齊世家集解

舍之得民解舍置也

服虔曰置之所以得民心

齊世家集解

崔杼立而相之慶封爲左相

列國三卿一卿執政卽所謂相矣案莊九年傳桓公自莒入齊鮑叔告公曰管夷吾治於高傒使相可也齊語桓公使鮑叔爲宰辭以管夷吾而管子小匡篇所載皆同則所

謂使相者使之爲宰也管仲制國臣立三宰注以三宰爲卽三卿言之雖異而實皆執國政者崔杼弑逆故以慶封爲左相以助己出於非常非舊制也

春秋分記職官書二

案史記齊

世家景公立以崔杼爲右相是齊高國二卿之外于時復

立左右二相

大事表十

晏子仰天歎曰嬰所不唯忠於君利社稷者是與有如上帝乃歆解晏子抄荅易其辭因自歆

惡微以爲知者注孔安國曰微抄也惡抄人之意以爲己

有也

論語集解義疏九

南史氏聞大史盡死執簡以往傳序正義南史是佐大史者當是小史也史居在南謂之南史非官名也

南史氏是其族也聞太史盡死執簡以往

對向新序簡謂節士篇

據一片而言策是編連之稱是以左傳云南史氏執簡以

往是簡者未編之稱此云百名以上書於策是其衆簡相

連之名鄭作論語序云易詩書禮樂春秋策皆尺二寸孝

經謙半之

案左傳序正義曰鄭玄注論語序引鉤命決云春秋二尺四寸書之孝經一尺二寸書之此尺

二寸當作二尺四寸故云孝

經謙半之則一尺二寸矣論語八寸策者三分居一以

謙焉

案論語居三分二尺四寸之一故得八寸

是其策之長短鄭注尚書三十

字一簡之文服虔注左氏云古文篆書一簡八字是一簡

容字多少者

優禮聘禮記疏

案齊崔杼弑其君光則一簡之文也

惠氏補注四

案潛丘割記五以林注南史齊史在外者之語

爲謬又引黃太沖云崔杼弑其君此檮杌之史書法南史

楚史官執簡而往書齊國之事此何異于送死乎愚謂太
沖未免好異且崔杼弑其君因齊史所書故不稱國名及
君名若楚史則當書云齊崔杼弑其君光與魯春秋同乃
云檇杌書法殊爲附會

閭丘嬰

閭丘氏嬰莊子之子

春秋分記世譜二

閭丘本邾地爲齊所并閭

丘氏食邑於此故以命氏

通志氏族略三

案廿一年邾庶其以

閭丘奔魯亦當爲魯邑或齊別有閭丘通志何所據而云
齊并邾地耶

行及弇中解弇中狹道

弇中或曰泰山萊蕪縣西有寶口谷疑

杜氏土地名

山東青州

府臨淄縣西南有狹道名弇中哀十四年子我失道於弇

中卽此志云自臨淄西南至萊蕪有長峪

萊蕪縣屬泰安府

界兩

山間長三百里爲齊魯往來之道

大事表七之一

葬諸士孫之里解士孫人姓

士孫氏以奮系爲氏漢書平陵士孫張爲博士揚州牧明

梁丘易

見梁丘賀傳通志氏族略五

案三國志董卓傳有士孫瑞

不以兵甲

傳見莊公所以不書葬

趙氏補注七

晉侯濟自泮解泮閼

張雲璈曰禹貢錐指謂泮水源出泰山分水嶺卽北汶

水經

汶水注

有北汶州志謂之塹汶在今泰安州南

今爲泰安府縣

雲璈案分

水嶺一源兩分半西南流至界首村北折入長清縣之中
川達於清河半東南流至桃花峪因名泮水水經濟水注
云半水出分水溪者是也

本趙氏
一清說

當陳隧者解隧徑也

高誘曰隧道也司空治軍隧道

本淮南兵略訓
惠氏補注四

案陳當

讀直覲反昭十七年盈其隧炭陳以待命哀十三年越子
伐吳爲二隧是也汪繩祖曰咸十六年釋音脩陳直覲反
又如字則兩讀亦通

宵突陳城解突窵也

突字義从穴若漢攻大宛穴其城者故杜訓爲窵也

陸氏
附注

其城

案史記大宛傳云徙其城下水空以空
徐廣曰空一作穴蓋以水蕩敗其城也

遇司馬桓子解陳之司馬

襄三年袁僑據世族譜云諡桓子蓋時爲司馬

周氏附論

載其母妻下之而授公車公曰舍而母辭曰不祥解雖急猶不欲男女無別

曰格子曰舍而母將不可兩全乎全身而虧禮君子不謂全也臣而狎君女而瀆男非禮也雖顛沛其敢違之獲之對不曰非禮而曰不祥何居禮者履也舍履而言祥急遽而欲人之易信也如是哉

邵寶學史三

擁社解抱社主示服

先儒謂社主石爲之

見周禮小宗伯注

其長不過尺五寸其短以

寸計之唐之時舊主一尺六寸方一尺七寸蓋有所傳然

也而議者謂宜長五尺方二尺埋其半於土中此臆論也

古者天子諸侯有載社之禮而陳侯嘗擁社以見鄭子展

果埋其半則不可迎而載果石長五尺方二尺則不可取

而擁

禮書九十二

案呂氏春秋貴直篇云拔石社淮南齊俗

訓云殷人之禮其社用石鄭注蓋本此爲義

禮書引舊主一尺六寸方

一尺七寸見通典禮五餘俱侯攷

同盟于重丘解齊地

今山東東昌府聊城縣東南跨茌平縣界有古重丘爲諸

侯會盟處

大事表七之一

趙文子

檀弓晉獻文子成室廬陵胡氏

銓

曰謂晉君賀其成室非

也恐趙武諡獻文爾

衛氏禮記集說二十三

案陳澧集說疑獻文

二字皆趙武諡如貞惠文子之類高誘呂氏春秋審爲篇

注云昭釐復諡也蓋古本有復諡之法後世因之通典禮

六十四有單複諡議可證

登山以望

山約在今安徽廬州府廬江縣境內特不能指爲何山耳

周氏附論

晉人問陳之罪

鄭伯之請伐陳在范宣子爲政之日今新易趙武故復詰

問陳以何罪見伐

義門讀書記

昔虞閼父爲周陶正解閼父舜之後

有虞氏上陶

見考工記

舜陶河濱器不苦窳周陶正猶以虞闕

父爲之

田學紀聞四

庸以元女大姬配胡公解胡公闕父之子滿也

胡公是遏父之子唐書世系表

宰相一下

謂武王以元女妻遏

父生胡公妄也

史記志疑十九

妻以元女太姬婦人尊貴好祭祀

用史巫故其俗巫鬼陳詩曰坎其擊鼓宛丘之下亡冬亡

夏值其鷺羽又曰東門之枌宛丘之栩子仲之子婆娑其

下此其風也

漢書地理志下

夏氏之亂成公播蕩又我之自入解宣十年陳夏徵舒弑靈

公靈公之子成公奔晉自晉因鄭而入也

宣十一年爲辰陵之盟

顧氏補正中

陳知其罪授手于我

手古首字土喪禮云載魚左首進鬻注云古文首爲手成

二年經曹公子首公羊作手是字通之證

惠氏補注四

且昔天子之地一圻解方千里

京師者何謂也千里之邑號也明什倍諸侯法日月之徑

千里王制曰天子之田方千里

白虎通京師篇

列國一同解方百里

左傳魯叔孫豹云我列國也

襄廿七

鄭子產云列國一同言

其國君皆以爵位尊卑及土地大小而敘列焉五等皆然

孝經諸侯章正義

諸侯封不過百里象雷震百里所潤雲雨同也

白虎通封公侯篇

案白虎通爵篇云象雷震百里所潤同伯父

校云周禮小司徒注十終爲同同方百里疏云取象雷震
百里所聞同易震正義雷之發聲聞乎百里古帝王制國
公侯地方百里故以象焉初學記天部上引論語識曰雷
震百里聲相附此旣無雲雨字似當作所聞爲是

士莊伯不能詰

詰呵問也

淮南時
則訓注

表淳鹵正義賈逵云淳鹹也說文云鹵西方鹹地也從西省
象鹽形安定有鹵縣東方謂之斥西方謂之鹵

曲禮注云大鹹曰鹵陳澧云鹽味之厚者淳有大義外傳
鄭語淳耀是也亦有厚義文選思立賦注不澆曰淳是也
且鹽乃鬻成與考工記淳而漬之同意故賈氏訓淳爲鹹

也

尚靜齋經說

說文鹵西方鹹地也故字从西省下象鹽形也

天生曰鹵人生曰鹽鹽在正東方鹵在正西方

一切經音義二

陽湖孫星衍云天生曰鹵謂如安邑鹽池也人生曰鹽謂如東海煮鹽也此語甚精疑叔重說文今脫也

井行沃

此九等是楚之地善惡有九等

周禮地官小司徒疏

政如農功日夜思之思其始而成其終朝夕而行之行無越思如農之有畔其過鮮矣

此與外傳公父文伯之母語意正相發明如農功而日夜思之者所謂民勞則思思則善心生也自天子以至士庶朝夕晝夜無有淫心舍力卽傳所云日夜思之朝夕而行之也昭元年傳子產言君子有四時哀二十七年傳中行

文子言君子之謀也始衷終皆舉之而後入焉並與此文

義相參

周氏附論

行無越思杜解思而後行言所行不越於所

思也亦若農者之讓畔

陸氏附注二

詩所謂我躬不說皇恤我後者正義詩小雅小弁之篇

谷風小弁皆有此文

顧氏補正中

書曰愼始而敬終終以不困解逸書

周書常訓解云愼微以始而敬

句

終乃不困徐幹中論法

象篇引書云愼始而敬終以不困正義以蔡仲之命云云

證之此晉時僞古文襲左傳而爲之者也

惠氏補注四

詩曰夙夜匪解以事一人解一人以喻君

汪繩祖曰文三年傳亦引此二語杜云一人天子也乃依

毛傳之文詳彼傳一人喻秦穆當用此注爲合

今甯子視君不如弈棋解弈圍棋也

程大昌演繁露云今碁方十九道合枰爲碁子三百六十
一案李善注韋昭博奕論枯碁三百引邯鄲淳藝經曰碁
局縱橫各十七道合二百八十九道白黑碁子各一百五
十枚胡應麟筆叢云今圍碁十九行三百六十一路子亦
如之宋世同之然漢製十七道唐局或十八道不可不知
也柳子厚記石碁局自然成文十有八道可弈柳州山又
唐詩詠碁有十九條平路之句裴說則唐製固應十九道
其十八道者或碁局稍異間爲之耳陳元龍格致鏡原
弈者舉棋不定不勝其耦玩戲器物類一

周書儒林傳樂遜通服虔所注左氏傳故其上封事多援
左氏中有云譬猶棊劫相持爭行先後若一行非當或成
彼利卽本此爲義

周氏附論

九世之卿族解甯氏出自衛武公及喜九世也

衛武公之子季亹食采於甯遂以命氏世爲國卿子無攷

孫跪

莊

跪生穆仲靜

晉語

四注靜生莊子速

閔

速生武子俞

僖

八俞生相

成

二相生惠子殖

成

十殖生悼子喜

襄

廿自季亹至

喜九世

萬氏氏族略

秦伯車解伯車秦伯之弟鍼也

鍼鉗古字通周禮射鳥氏注鍼箭釋文云或作鉗是也說

文鉗膏車鐵鉗

周秦名字解故下

補釋十八